

ORDENANZA REGULADORA DAS TAXAS POR OCUPACIÓN DE TERREOS DE USO PÚBLICO CON MERCADORÍAS, MATERIAS DE CONSTRUCCIÓN, GUINDASTRES, ENTULLOS, VALOS, PUNTAIS, "ASNILLAS", ANDAMIOS E OUTRAS INSTALACIÓNS ANÁLOGAS.

Artigo 1º- CONCEPTO, FUNDAMENTO E NATUREZA.

De conformidade co que se prevé nos artigos 15 ó 20 da *Lei 39/1988*, do 28 de decembro, *reguladora das facendas locais*, e en uso das facultades conferidas polos artigos 133.2 e 142 da *Constitución*, e o art. 106 da *Lei 7/85 reguladora das bases do réxime local*, este concello establece a taxa por utilización privativas ou aproveitamentos especiais pola ocupación de terreos de uso público con mercadorías, materiais de construción, entullos, valos, puntais, asnillas, andamios e outras instalacións análogas, especificando nas tarifas que se conteñen no artigo 6º seguinte, que se rexerá pola presente ordenanza.

Artigo 2º- FEITO IMPOÑIBLE.

- 1- Constitúe o feito imponible da taxa a utilización privativa o aproveitamento especial do dominio público municipal polos conceptos que se sinalan no artigo primeiro ou outros análogos.

Artigo 3º- SUXEITOS PASIVOS.

1. Son suxeitos pasivos contribuíntes as persoas físicas ou xurídicas e as entidades ás que se refire o artigo 33 da *Lei xeral tributaria*, que disfruten ou aproveiten especialmente o dominio público municipal en beneficio particular, nalgún dos supostos que se establecen no artigo 1º, ou quen se beneficie do aproveitamento, se se efectuou sen a preceptiva autorización.

Artigo 4º- RESPONSABLES.

- 1- Responderán solidariamente das obrigas tributarias do suxeito pasivo as persoas físicas ou xurídicas ás que se refiren os artigos 38.1 e 39 da *Lei xeral tributaria*.
- 2- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinalan o artigo 40 da *Lei xeral tributaria*.

Artigo 5º- CATEGORÍA DAS RÚAS.

1. Para os efectos previstos para a aplicación da tarifa do apartado 1 do artigo 6 seguinte, as vías públicas deste municipio clasifícanse en cinco categorías.
2. Anexo a esta ordenanza figura un índice alfabético das vías públicas deste municipio, con expresión da categoría que corresponde a cada unha delas.
3. As vías públicas que non aparezan sinaladas no índice alfabético serán consideradas de última categoría, permanecendo cualificadas así ata o 1 de xaneiro do ano seguinte a aquel en que se aprobe polo Pleno desta corporación a categoría correspondente e a súa inclusión no índice alfabético de vías públicas.
4. Cando o espazo afectado polo aproveitamento estea situado na confluencia de dúas a máis vías públicas clasificadas en distintas categorías, aplicarase a tarifa que corresponda ás vías de categoría superior.

Artigo 6º- COTA TRIBUTARIA.

1. A contía da taxa, regulada nesta ordenanza, fixarase nas tarifas que a continuación se detallan.

Por m² ou fracción ou mes ou fracción:

- En rúas de 1ª categoría: 6,01.
- En rúas de 2ª categoría: 4,54.
- En rúas de 3ª categoría: 3,64.
- En rúas de 4ª categoría: 2,98.
- En rúas de 5ª categoría: 1,71.

2. Normas de aplicación das tarifas:

- a) Cando as obras se interrompesen durante un tempo superior a 2 meses, sen causa xustificada, as contías resultantes por aplicación da tarifa segunda sufrirán un recargo do 50% a partir do terceiro mes, e no caso de que unha vez finalizadas as obras continúen os aproveitamentos, as contías serán recargadas nun 100%.
- b) A taxa por ocupación con vagóns ou vagonetas metálicas, denominadas "containers", para a recollida ou depósito de entullos e materiais de construción liquidarase polos dereitos fixados nas rúas de 1º categoría.

Artigo 7º- NORMAS DE XESTIÓN.

- 1- De conformidade co que se prevé no artigo 46 da *Lei 39/1988*, do 28 de decembro, cando nunha ocasión dos aproveitamentos regulados nesta ordenanza se producisen desperfectos no pavimento ou instalacións da vía pública, os titulares das licenzas ou os obrigados ó pagamento virán suxeitos ó reintegro total dos gastos de reconstrución e reparación de tales desperfectos ou a reparar os danos causados, que serán en todo caso, independentes dos dereitos liquidados polos aproveitamentos realizados.
- 2- As cantidades esixibles, segundo o que se dispón, as tarifas liquidaranse por cada aproveitamento solicitado ou realizado e serán irredutibles polos períodos naturais de tempo sinalados nos respectivos epígrafes.
- 3- As persoas interesadas na concesión de aproveitamento regulados nesta ordenanza deberán solicitar previamente a correspondente licenza.
- 4- Se non se determinou con exactitude a duración do aproveitamento, unha vez autorizada a ocupación entenderase prorrogado mentres non se presente a declaración de baixa.

A declaración de baixa surtirá efectos a partir do día primeiro do período natural de tempo seguinte ó sinalado no epígrafe da tarifa que corresponda. Sexa cal sexa a causa que se alegue en contra, a non presentación da baixa determinará a obriga de continuar abonando a taxa.

Artigo 8º - DEVENGO.

1. A obriga de pagamento da taxa regulada nesta ordenanza, nace:
 - a) Tratándose de concesións de novos aproveitamentos na vía pública, no momento de solicitar a correspondente licenza.
 - b) Tratándose de concesións de aproveitamentos xa autorizados e prorrogados, o día primeiro de cada mes natural.
2. O pago da taxa realizarase:
 - a) Tratándose de autorizacións de novos aproveitamentos con duración limitada, por ingreso directo na tesourería municipal ou onde establecese o concello, pero sempre antes de retirar a licenza ou documento que corresponda.
 - b) Tratándose de autorizacións xa concedidas e sen duración limitada, unha vez incluídas nos correspondentes padróns ou matrículas desta taxa pública, por meses naturais nas oficinas da tesourería municipal desde o 1 do primeiro mes seguinte ó do devengo, ata o día 15.

Artigo 9º - BENEFICIOS FISCAIS.

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

DISPOSICIÓN DERRADEIRA.

A presente ordenanza entrará en vigor unha vez publicada definitivamente no *Boletín Oficial da Provincia*, comezará a aplicarse a partir do día 1 de xaneiro de 1999, e permanecerá en vigor ata a súa modificación ou derogación expresa.

Esta ordenanza foi modificada no artigo 6 e esta modificación, xa introducida neste texto, e publicada no *Boletín Oficial da Provincia*, do 8 de xuño de 2002, entrou en vigor a partir desta publicación, será de

aplicación a partir do 1/1/2002 e permanecerá en vigor ata a súa modificación ou derogación expresa.

ANEXO

Publicase o índice alfabético das vías públicas deste municipio con expresión da categoría que corresponde a cada unha delas, á que fai referencia o artigo 5 da citada ordenanza o cal é o seguinte:

RÚAS	PREZO M²
1ª CATEGORÍA	6,01
R/Xeneral Franco ata a r/Plácido Peña. R/Xosé Antonio ata o xulgado. R/Xeneral Franco desde r/Plácido Peña a r/Domingo Goas. R/Xosé Antonio desde o xulgado ata a r/de Lugo. R/Plácido Peña ata a r/Cidade de Viveiro. R/Basanta Silva ata a r/Ribadeo e praza da Constitución.	
2ª CATEGORÍA	4,54
R/Xeneral Franco desde r/Domingo Goas ata BEGASA. R/Cidade de Lugo ata a r/da Feira. R/Plácido Peña desde a r/Cidade de Viveiro ata avda. Terra Chá ata o campo do fútbol. R/Xosé M ^a Chao. R/Conde Pallares ata a r/Alfárez López. R/Novo Cazón, r/Nevado Bouza. R/Domingo Goas.	
3ª CATEGORÍA	3,64
R/Xeneral Franco desde BEGASA á estación de servizo. R/Cidade de Lugo desde a r/da Feira á Citroën. R/Plácido Peña fronte ó asilo. Avda. Terra Chá desde o campo do fútbol ó cuartel. R/Conde Pallares desde a r/López á praza San Xoán. R/Prieto Rouco. R/ González Valdesuso e r/do Estudante. R/Cidade de Viveiro desde a Ventoeira e a r/do Muíño. R/Basanta Silva desde a r/ Ribadeo á r/de Foz. R/ de Ribadeo, r/das Pontes, r/Fraga Bello. R/ Calvario, r/da Feira, r/dos Pepes, Travesía da Terra Chá e Rúa de Xermade.	
4ª CATEGORÍA	2,98
Praza de Santa María, praza Coronel Peña,	

r/Valeriano Valdesuso, r/Alférez López,
r/do Rego, r/García Hermida.
R/Cidade de Viveiro desde a Ventoeira ó final.
R/Quart de Poblet, r/Rouco Varela, r/ de Foz,
+r/do Rolo, r/Conde Pallares desde a praza de San Xoán ó
final, travesía dos Castros.

